

# جریدہ علیہ

مشجعت جلیلہ اسلامیکہ جریدہ رسمیه سیدر

ذی الحجہ سنہ ۱۳۳۸

عدد ۶۲

اون بش کونده بر نشر اولنور

شعبی سنہ

## دیندار ایله دینسزك جمعیت بشریه ده کی موقعاری

- ۶۱ نهمی نسخه دن مابعد -

بر فعل نه قدر دنیوی اولوب اخروی افعالدن مناسبتی بعید بولنسه بیله کنندیسنده رضای الهی قصدی موجود اولنجه عبادتدر و بونك عکسی اوله رق ولوکه وضعاً و شکلاً طاعت و عبادت اولسون باطنده رضای بارینك خلافی مقصود اولان هر هانکی بر فعل عبادت دکل بلکه معصیتدر .

قال تعالی ( فویل للمصلین الذین هم عن صلاتهم ساهون الذین هم یراؤون یمنعون الماعون ) مفسریندن قاضی بیضاوی معنای آیت یتیم حقنده مبالا تسرلق ضعف دیندن اولوب ذم و توبیخی موجب بر حال اولور ایسه عماد دین اولان صلاتدن غفلت و کفرک بر شعبه سی اولان ریا ، قنطرة اسلام اولان زکاتی عدم ایتمه ضعف دیندن معدود و ذم و توبیخی موجب اولمه احق اولور که بوسیدن طولای اوزرینه ویل و وعید تریب اولمشدر . دیمشدر . فرائضده ریا اولمه جنی مصر حاتدن اولقله برابر اشباهده ینابیعدن نقلا ابراهیم بن یوسف رحمه الله نمازده ریا ایدنك اجری یوقدر و بالی واردر . بعضلری کفرینه قائل اولمش بعضلری اجری ده وزری ده یوقدر هیچ نماز قیلماش کیدر دینلمشدر . نیت فعلک لوجه الله اولدینغی تعیین ایدن بر خصوصدر بنساء علیه عبادتی عادتدن و هر هانکی بر عبادتی دیکرندن تفریق و تمیز ایدن نیتدر نیتله فعل عادتدن تمیز ایدرک نیت صالحه اولور ایسه عبادته فاسده اولور ایسه معصیته انقلاب ایدر . کشی قورناز قلعه صور تاحق و ممدوح حقیقتده باطل و مقدوح ایشلر یاپارده بوندن کیمسه نك خبری اولمدیغی ظننه دوشر و اوطن ایله یشار . هیات ( و مهما تکن عند امری من خلیقه وان خالها تخفی علی الناس تعلم ) . مخلوقک مطلق اوله مدینی بر نیته خالق علیمدر . قورناز ظن ایدرکه ایشلادیکی مسخره قلمر هپ یانسه قالیور جزاسنی حکمیور . حالبوکه هر فعلک جزاسی آنک لازم غیر منفکیدر .

جزائک مختلف درجاتی واردر . ادناسی فاعلک من حیث لایشعر عندالناس بمقوت  
ولسان ذم ایله مذکور اولسیدر .

حق تعالیٰ حضرتلری رقیب وحسیددر هر کسک ظاهر و باطن افعالک مراقب ومحاسبیدر  
ضمیر خبیثیه الله ایله محاز . ایدن هیچ کیمسه یوقدرکه محسوس ویا غیر محسوس بر صورتده  
جزای الهی به دوچار اولسون بناء علیه هر فرد بشر کورسون کورسون ( فان لم تکن  
تراه فانه یراک ) حدیث شریفی مصداقجه حضور الهیده در و هر فرد بیلسون بیلسون  
( ان ربک لبا لمصاد ) نظم جلیلی منطوقجه مرصاد الهی آئنده در و هر فرد هر نه ایشلر  
ایسه ایشلسون ناصیه سی ( وما من دابة الا هو آخذ بناصيتها ان ربي على صراط مستقیم )  
نظم جلیلی منطوقجه اخذ الهیده در .

حضورده اولانه ادب کر کدر یعنی ادب مع الله کر کدر .  
سوء ادب مع اللهک استد و اخف اوله رق درجاتی واردر . اشدی کفر اخفی معاصیدر .  
سوء ادب مع اللهک البته عقوبتی واردر عقوبتلر مختلفدر عقوبت معجله ، عقوبت  
مؤجله ، عقوبت جلیه ، عقوبت خفیه واردر .

کافر حقه قارشی سوء ادب ایدر و حقوقه عقوق ایدرک بغتة دوچار عقوبت اولمادیغنی  
کورمکله کفرینک بر حال عادی اولوب آندن طولای کنیدیسنه هیچ بر صورتله مسؤولیت  
ویا عقوبت ترتب اتیمه جکینی ظن ایدر و دیرکه سوء عقیده نک خبث باطن ایله افعال ردیه نک  
حقیقی بر عقوبت معنوی سی اولسیدی البت ظهور ایده جکدی مادام که هر درلو قنالی  
ارتکابده دوام ایدن بر آدم هیچ بر کدره معروض اولیور بناء علیه کفر وظلمک قبیحی  
بر اعتقاد باطلدر حالبوکه بعضاً بر کیمسه هر هانکی بر صورتده عقوبت ایچنده بولنورده  
خبری اولماز و عقوبت شخص معاقبک محسوسی اولورده آخرک محسوسی اولماز آخرده  
عقوبت ایچنده اولان شخصی مسعود و بختیار ظن ایدر و بلکه اوکا حسد ایدر و بعضاً بر  
شخص کنیدیسنی مسعود ظن ایدر حالبوکه غایت الیم و عظیم بر عقوبت و فلاکت ایچنده  
بولنورده آندن خبری اولماز .

عقوبت الهیه یا لکن اعمال ظاهرده مخصوص دکلدر . نیات فاسدده نکده عقوبتی  
واردر . ( انما الاعمال بالنیات ) حدیث شریفی اعمال ظاهرده نک ثواب و عقابی منوط نیات

اولدیغنی ناطق در . فقط ( الله ما فی السموات وما فی الارض وان تبدوا ما فی انفسکم  
او تحفوه یحاسبکم به الله ) آیت کریمه سی اعمال باطنیه اولان نیات فاسده نک حسابی  
کور یله جکنی میندر .

امام نووی صحیح مسلمک (اذا هم عبدی) حدیث قدسیس نک شرحنده ( قاضی  
عیاض عامه سلف ایله برابر کرک فقها و کرک محدثین یعنی بالجمله اهل علم اعمال قلوب ایله  
مواخذ اولنه جغنه دلالت ایدن احداث شریفه یه مبنی قلباً معصیته عزم ایله آنک اوزرینه  
توطین نفس ایلان کیمسه نک مجرد اشبو عزمند نطولانی آثم اولدیغنده متفقدر لر وشو  
عزم صاحبی ایچون ( سیئه ) یازیلیر . سیئه ؛ یالکز بر کیمسه نک نیت ایدوبده مخافة اللهک  
غیری مانعک حیولتیه ایقاع ایدمدیکی فعل معصیت دکلدر . سیئه نفس اصرار وذات  
عزمدر که معصیت یازیلیر اکر اونی فعله چبقاریر ایسه ایکسجی بر معصیت دها یازیلیر .  
اگر خشیه الله تعالی ترک ایدرسه حسنه یازیلیر کافی الحدیث ( انما ترکها من جرای )  
بناء علیه بر کیمسه نک نیت ایتدیککی معصیتی لحوف الله تعالی ودائماً فالقله امر ایتک شاندن  
اولان نفسیه مجاهده وهوای نفسانیه مخالفت صورتیه ترک ایتمی حسنه در . یازیلان  
هم نفسانی ایسه اوزرینه توطین نفس اولمیان وکندیسنه بر کونا عقد ونیت وعزم مصاحب  
اولمیان خواطر در . امام نووی بوراده قاضی عیاضک سوزنی یتیرد کدنصره دیور که قطعی  
اولان عزم قلبدن طولانی مواخذ اولنه جفی حقنده نصوص شرعیه یکدیکره مظاهره  
ایتمشدر .

( ان الذين يحبون ان تشيع الفاحشة في الذين آمنوا لهم عذاب الیم ) (اجتنبوا کثیرا  
من الظن ان بعض الظن اثم آیت کریمه لری اول جمله دندر .

حسد ایتک ومسلمینی تحقیر ایتک آنلرک فغالغنی ایستمک وبونلره مماثل اعمال وعزائم  
قلیه نک تحریمنده نصوص واجماع امت یکدیکره مظاهر در . و ( ان الله کتب الحسنات  
والسیئات ) حدیث نک ایکسجی روایتده وارد اولان ( ولا یهلك علی الله الا هالك ) حدیث  
شریف نک شرحنده امام ابو جعفر طحاوی رحمه الله اشبو حدیث شریفلرده اعمال ظاهره نک  
ماعداسی یازلماز دیانه مخالف اوله رق اعمال وعقود قلوبک ده یازیله جغنه دلیل موجود در  
دیمشدر .



معلومدر که امر دینه تعلق ایدن اوصاف بشریت ایکی نوعدر . برنجیسی انسانک ظاهر وجوارحه تعلق ایدنلردر که اعمالدر . ایکنجیسی باطنه تعلق ایدنلردر که عقود و نیاتدر ظاهر وجوارحه تعلق ایدنلردر ایکی قسمه منقسمدر برنجیسی امرالهی به موافق اولانلردر که طاعت تسمیه اولنور . ایکنجیسی مخالف اولانلردر که معصیت، تسمیه اولنور . باطنه تعلق ایدن دخی ایکی قسمه منقسمدر . برنجیسی حقیقه موافق اولانلردر که ایمان ، و علم تسمیه اولنور . ایکنجیسی حقیقه مخالف اولانلردر که ، جهل تسمیه اولنور انسانک ظاهریله باطنی آنک کلیتدر . مع هذا ظاهری بالضروره باطنه تابعدر . زیرا قلب رئیسدر . صلاح و فسادده جوارح آکا تابع و منقاددر . قلبک صلاحی بیوک کوچوک بالجمله صفات مذمومه سندن طهارتیه حاصل اولور . بوصفات مذمومه در که منافی عبودیتدر صاحبی کفر ، و نفاق یافسق ایله شائبه دار ایدر . صفات مذمومه کبر ، عجب . ریا ، سمعه ، حقد ، حسد حب جاه ، حب مالدر بونلردن برطاقم فروع خبیثه تفرع ایدر که شونلردر بغض و عداوت ، اغنیایه تذلل ، قفرای استحقار ، سعی و کسب ایله برابر رزق کله جگنه اعتمادسزلق ، شح و بخل ، طول امل ، مال و نعمت و اقبالک و فرت و تمادسی سبیل کفران نعمته طغیان ایتک ، ناسه غل و غش ایله معامله ایتک ، اوکونمک ، قور و ملق ، تصنع ، مداهنه ، قاتیلق ، درشتک ، قابالق ، خویراتلق ، غفلت ، خوبهلق ، عجوللک ، حدت ، حمیت شخصییه ، حوصله طارلنی ، مرحتسزلق ، حیاسزلق ، قناعتسزلق ، حب ریاست حب تصدر ، شخصی هر هانکی بر تعرضه قارشی عزت نفس دیهرک بوبورلتمک ، سوزینه اعتراض وقوعنده اختیاری غیب ایتکدر .

صفات مذمومه نك اصل الاصولی وینبوع الینابی خودینلک ، خودپسندلک ، نفسدن خوشنودلقدردر که کافرك کفرینه ، منافقک نفقده ، عاصینک عصیانیه سبب آنجق بونلردر . خودپسند اولان کیمسه بالطبع خودپرست اولور . خودپرست اولان خداپرست اولماز . کافر نفسندن ماعداسنی بیلمز و طایماز حالبوکه معرفت نفس معرفت خدانک مقتاحیدر . بناءً علیه حب نفس دیتسزی مهالك اخلاقیه القا ایدر .

انسانک زینتی اولان محاسن صفات ؛ طهارت قاب و تزکیه نفس ایله حاصل اولور . طهارت قلب و تزکیه نفس اولایمان باللهه موقوفدر . ایمان بالله ظلماتدن نوره خروجدر .

بالکز علم نفس ظلماتدر . علم بالله نوردر بناءً علیه کافر دائماً ظلماتدهدر . چونکه آنک  
علمی یالکز نفسیدر حالبوکه علم النفس علم الالهک معراجیدر . علم النفس ده قاله رق الله  
عروج ایتیمان و علمی یالکز نفسه عائد بیلوب آندن ایلروسنی انکار ایدن کیمسه  
بالطبع ظلمات نفس ایچنده پویاندر . مؤمن ایسه ظلمات نفسیدن قورتولمش نوره  
حقیقمشدر .

کرچه مؤمن ایلک مرتبهده بالجمله مساوی اخلاقیه دن ، ظلمات نفسیدن تجرد محاسن  
اخلاقیه و کالات ایمانیه ایله اتصاف ایتمش اوله ماز . مع هذا الورد که اک بیوک بلا اولان  
کفری آتمش ، اک بیوک نعمته نائل ، مفتاح سعادت و منهاج کالات اولان ایمان بالله  
واصل اولمش ، معبود شیطانی ، طاغوت ظلمانی اولان نفسی ترک ، معبود حقیقی اولان  
اللهی طانیش بولنسون

تدریجاً کنیدیسنده تواضع و خشوع بین یدی الله ، تعظیم لامرالله ، حفظ حدودالله ،  
خوف من الله ، تذلل لر بویة الله ، اخلاص فی عبودیه الله رضاء بقدر الله ، وارلقده ،  
یوقسوللقده اقرار بمنه الله مثللو آثار محموده تجلی ایدر . و بونک ثمره سی اوله رق الالهک  
مخلوقاته قارشى مرحمتله ، لینله ، رفق ایلله ، قلب کنیشلیکیله ، حلم ایلله ، تحمل ایلله ،  
صیانله ، نراحتله ، امانتله ، صدق و وثوق ایلله ، ثانی ایلله ، وقار ایلله ، سخا و جود ایلله ،  
حیا ایلله بشاشتله ، خیر خواهاقله ، خلوص و صفوت و قلب و وجدان ایلله اتصاف ایدر که  
بونلر هپ مدار سعادت اولان اخلاق ایمانندن اولوب کافر بونلردن محرومدر . بناءً علیه  
هر بر معصیت و غفلت و شهوتک اصلی نفسی سومک و آنک احوال و اخلاقندن عنون و راضی  
اولمقدر هر طاعت و اتباع و عفتک اصلی نفسدن خوشنود اولما مقدر . منکر خود پیندر .  
مؤمن خدا پیندر .

سعادت انسانیه خود پینلکه آنک لوازم خبیثه سندن تحلی و صفات محموده ایلله تحلی ایلهدر .  
بونلره تزکیه و تحلیه دخی دینلور . تزکیه و تحلیه آنجق دین سماوینک تعلیمات و اشاداتیلله  
حاصل اولور . و باخصوص حقه تقرب و یا آندن تبعید ایدن ایشلر آنجق طریق نبوتله  
بیلنور . انسان آنجق کندی کیدنی یعنی مادیات و طبیعیاتدن اولان برشی سمع ، بصر ،  
شم ، ذوق ، لمس ایلله مشاهده ایلله و اک صکره عقل ایلله غائی مشاهده قیاس ایدر و بوضویرتله

بالکسر ظواهر دنیویه سنک اصلاح وتنظیمه صرف مقدرت ایدیهیلیر . بونک ماعداسنی ادراکه آلتی یوقدر . ادراک بالایه آلت اوله دن بالا پرواز اولمالیدر . بوکا تشبثک برنجی وهله ده نتیجه سی سقوطدر .

شیخ محی الدین عربی فتوحاننده شریعتک ظاهراً وباطناً سرینک معرفتی حقننده کی باینده دیور که مملکت کونیه نک اصلاحنه عائد اولان حدود ومهراسم ایکیه منقسمدر . یرنجیمی سیاست حکمیه در که حق تعالی آتی اکا برناسک نفوسنه فطرت اوله رق القا ایتمش اولمسیله آنلردن هر بری نفسنده بولدیغی قوتله ایجاب حکمته توفیقاً بولندقلر ، محیط واقلمک امرجه وطبایعک مقتضاسنه کوره حدود ونوامیس اداریه وضع ایلشدیر که بونلره ناسک ماللری ، قانلری اهل وعیاللری ، ارحام واقربالری ، نسبلی محافظه ایدلشدیر .

عقلاء ناسک الهام الهی ایله وضع ایلدکلری نوامیس حکمیه بونلردر . حالبوکه واضع نوامیس اولان بوعقلاء عالمک دیگر برطاقم خصوصاتده کی مصالحنه انتظام وارتباطنه آکه اولمامشیر ونه کی ایشلرک اللهه قربت بخش ایده جکئی ویا جنت ویا جهنم ویا سباب آخرتدن بشقه برشی کتیره جکئی بیلیمورلر ایدی اورتاده بر آخرت ، بعدالموت اجسام طبعیه ایچنده بر بعث محسوس ، یمهلی ، ایچمهلی ، کیمهلی ، مناسکلی ، سسونهلی بر عالم اشکنجهلی ، عذابلی دیگر بر عالم بولندیغدن خبردار دکلر ایدی .

حالبوکه حدذاتنده بونلرک وجودی ده عدمی ده ممکندر آنلر بوایکی ممکندن بریسنی ترجیح ایده جک دلیله مالک دکلر ایدی . بوسبله در که آنلرک وضع ایلدیکی نوامیسک بناسی انحق شودار دنیاده صلاح عالمک بقاسنه انحصار ایتشدیر .

عقلای ناس توحید ذات الوهیه لازم اولان تعظیم ، تقدیس ، صفات تنزیه ، عدم مثل ، عدم شبیه مثللو علوم الهیه ایله تفرد ایدرک بونی بیلن بیلیمانه تعلیم وناسی نظر صحیحه سوق وتشویق ایتدیلر عقولک تفکراتده اوکنده طوروب ایلروسنه کیده میه جکی برحدی بولندیغی ایضاح ایتدیلر بوضورتله عقول وارباب عقوله حدینی بیلدیردیلر . اللهک عالم علوییه ایداع ایلدیکی برطاقم شیلر دخی بولندیغی اوکرتدیلر آنلر بونلره عالم عنصریده کی آثاریه استدلال ایتدیلر بیلدیلرک نفوس بشریه جسدلرندن ده شرفلی ایشه لرده آخره احتیاج کندیلرینه ملازمت ایدیور بناءً علیه نظر ایله برشیدن دیگر برشیئه انتقاله باشلادیلر



بویله جه اشیانك برندن دیکرینه انتقالده دوام ایده رک هر هانکی برشینه واصل اولدیلر ایسه آنک بر دیکرینه محتاج اولدیغنی کوردیلر نهایت هیچ برشینه مفتقر اولمیان ، هیچ برشی آنک مثلی اولمیان کندیسی هیچ برشینه مشابه اولمیان هیچ برشی آکا مشابه اولمیان برشینه واصل اولدیلر . و آنک اوکنده طوردیلر هرشیدن اول اولان شی بودر بونک ذاتیله واحد اولمسی نه اولیتک نده احدیتک ثانی ی قبول ایتامسی لازمکیر چونکه مشابهی ، مناسبی یوقدر . دیدیلر و آتی توحید وجودی ایله توحید ایله کدن صکره ممکناتک کندی کندینه ترجیح ایده میه جکفی کوره رک بو واحدک ممکناته اعطای وجود ایلش اولدیغنی و بوسبله ممکناتک آکا عرض افتقار ایدرک کندیسی تعظیم و تسبیح و تقدیس ایلدیکنی بیلدیلر .

ایشته عقلک حدی بوقدردر . عقلا عقلک اشبو حد ادرا کنده بولنورکن کندی جنسلرندن اولدیغنی حالده نزدلرنده مکاتب علمیه اصحابندن اولدیغنی معروف اولمیان برکیمسه کله رک بن سزه اللهک ایلچیسی یم دیمسیله آنلر دیدیلرکه انصاف اولای اموردردر بو آدمک نفس دعواسنه نظر ایدیکیزکه بو آدم ممکن و یا خود محال اولان برشی می ادعا ایتشیدر عندمزمده دلیل ایله ثابتدرکه اللهک بر فیض مخصوصی واردر آتی دیله دیکی هرشینه بخش ایده بیلیر ممکنات امور امکانیه ده مشترکدر و هیچ بریسی ممکن اولان خصوصده دیکرندن اولی دکلدیر بناءً علیه شومدعینک صدق و یا کذبنی تدقیقندن بشقه هیچ حقمز یوقدر بوایکی حکمدن بریسنه دلیلیمز اقدام ایده میز زیرا بودرلو جرات علممزه قارشى سوء ادب اولور .

ای مدعی صدق مدعا که دلالت ایده جک بر دلیلک وارمیدر . دیدیلر مدعی دلائلی کتیردی آنلر ادله سنه نظرا بتدیلر کوردیلرکه بو ذاتک محصول انظار و تفکرات ایله معلومات اکتسابیه ایله هیچ بر تماسی یوقدر .

اعضادن

( مابعدی وار )

سید نسیم

